



სსიპ ბათუმის შოთა რუსთაველის
სახელმწიფო უნივერსიტეტი

19 ნოემბერი, 2025 წელი
ბრძანება № 01-02/209

2025-2026 სასწავლო წლის შემოდგომის სემესტრში პროგრამის „სახელმწიფო
სტიპენდიები სტუდენტებს“ ფარგლებში
სახელმწიფო სტიპენდიის დანიშვნისა და გაცემის წესის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს 2025-2026 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2025 წლის 22 ივლისის №06-01/70 დადგენილების, „სახელმწიფო სტიპენდიები სტუდენტებს“ პროგრამის დამტკიცების შესახებ“ საქართველოს განათლების, მეცნიერებისა და ახალგაზრდობის მინისტრის მოადგილის 2025 წლის 28 იანვრის N73255 ბრძანების (ცვლილება მინისტრის მოადგილის 2025 წლის 13 ნოემბრის N1606606 ბრძანებით), საქართველოს განათლების, მეცნიერებისა და ახალგაზრდობის სამინისტროს უმაღლესი განათლების დეპარტამენტის 2025 წლის 14 ნოემბრის №1614927 კორესპონდენციის, „ბსუ-ს რექტორის ქალაქ თბილისში მივლინების შესახებ“ ბსუ-ს ადმინისტრაციის ხელმძღვანელის 2025 წლის 18 ნოემბრის №01-14/653 ბრძანებისა და ბსუ-ს სასწავლო პროცესის დეპარტამენტის უფროსის 2025 წლის 18 ნოემბრის №1630585 სამსახურებრივი ბარათის საფუძველზე

ვ ბ რ ძ ა ნ ე ბ ა:

1. დამტკიცდეს 2025-2026 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სახელმწიფო სტიპენდიის დანიშვნისა და გაცემის წესი (დანართი №1).
2. ბრძანება გამოქვეყნდეს ბსუ-ს ვებგვერდზე.
3. ბრძანება დაეგზავნოს ბსუ-ს ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სტუდენტთა კარიერული განვითარების, კულტურისა და სპორტის დეპარტამენტს, სასწავლო პროცესის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიების სამსახურს და იურიდიულ დეპარტამენტს.
4. ბრძანება ამოქმედდეს ხელმოწერისთანავე.
5. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ბსუ-ს რექტორის მოადგილე
სასწავლო და სამეცნიერო მიმართულებით
რექტორის მოვალეობის შემსრულებელი

გიორგი ქათამაშე

„2025-2026 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სახელმწიფო სტიპენდიის დანიშვნისა და გაცემის წესის დამტკიცების შესახებ“

ბსუ-ს რექტორის 2025 წლის 19 ნოემბრის № 01-02/209 ბრძანების

დანართი №1

2025-2026 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სახელმწიფო სტიპენდიის დანიშვნისა და გაცემის წესი

1. წინამდებარე წესი ადგენს სახელმწიფო პროგრამის „სახელმწიფო სტიპენდიები სტუდენტებს“ ფარგლებში (შემდეგში „სახელმწიფო სტიპენდია“) - ბსუ-ს საბაკალავრო, მედიცინის/სტომატოლოგიის ერთსაფეხურიანი, დაწყებითი განათლების მასწავლებლის მომზადების ინტეგრირებულ საბაკალავრო - სამაგისტრო პროგრამებზე (შემდეგში - პირველი საფეხურის პროგრამები) ერთიანი ეროვნული გამოცდების შედეგად ჩარიცხულ სტუდენტებზე, 2025-26 სასწავლო წლის შემოდგომის სემესტრში, 2025 წლის 01 ოქტომბრიდან 2026 წლის 01 მარტამდე პერიოდისათვის (სულ 5 თვის), თითოეულზე თვეში 300 ლარის ოდენობით სახელმწიფო სტიპენდიის დანიშვნისა და გაცემისათვის კრიტერიუმებს და პროცედურას.
2. სახელმწიფო სტიპენდია ინიშნება და გაიცემა საქართველოს განათლების, მეცნიერებისა და ახალგაზრდობის სამინისტროს (შემდეგში - სამინისტრო) შესაბამისი კორესპონდენციისა და სახელმწიფო დაფინანსების ბსუ-ში მიღების შემდეგ, წინამდებარე წესის საფუძველზე გამოცემული ბსუ-ს რექტორის ბრძანების საფუძველზე (თანხმდება ბსუ-ს სასწავლო პროცესის დეპარტამენტთან, საფინანსო-ეკონომიკურ დეპარტამენტთან და ადმინისტრაციის ხელმძღვანელთან).
3. ბსუ-ში სახელმწიფო სტიპენდიის მიმღებ პირთა რაოდენობა (შემდეგში - ბსუ-ს კვოტა) განისაზღვრება სახელმწიფოს მიერ გაცემული დაფინანსების ოდენობის გათვალისწინებით, 2025 წლის 1 ნოემბრის მდგომარეობით ბსუ-ს სტუდენტის აქტიური სტატუსის მქონე პირთა საერთო რაოდენობიდან, თითოეულ ფაკულტეტზე აქტიური სტუდენტთა რაოდენობის პროცენტული წილის შესაბამისად. აღნიშნული პროპორციის გათვალისწინებით, ბსუ-ს სტუდენტური პორტალის მონაცემებით, 2025 წლის 19 ნოემბრის მდგომარეობით 2025-2026 სასწავლო წლის შემოდგომის სემესტრში ბსუ-ს ფაკულტეტებზე სახელმწიფო სტიპენდიის მიმღები სულ 375 სტუდენტი შეიძლება იყოს, მათ შორის ფაკულტეტების კვოტა შეადგენს:
 - ა) ჰუმანიტარულ მეცნიერებათა ფაკულტეტი - 76 სტუდენტი;
 - ბ) იურიდიული და სოციალურ მეცნიერებათა ფაკულტეტი - 72 სტუდენტი;
 - გ) ეკონომიკისა და ბიზნესის ფაკულტეტი - 62 სტუდენტი;

დ) საბუნებისმეტყველო მეცნიერებათა და ჯანდაცვის ფაკულტეტი - 50 სტუდენტი;

ე) ზუსტ მეცნიერებათა და განათლების ფაკულტეტი - 48 სტუდენტი;

ვ) ტექნოლოგიური ფაკულტეტი - 34 სტუდენტი;

ზ) ტურიზმის ფაკულტეტი - 33 სტუდენტი.

4. სახელმწიფო სტიპენდია ენიშნება ბსუ-ს იმ სტუდენტს, რომელსაც წინა სემესტრში სრულად აქვს ათვისებული საგანმანათლებლო პროგრამით განსაზღვრული კრედიტები და წინა სემესტრის შეფასებების საშუალო არითმეტიკული ქულა შეადგენს 91 ქულას და მეტს. ამასთან, საშუალო არითმეტიკულ ქულას, ქვემოთ ჩამოთვლილი კრიტერიუმების დაკმაყოფილების შემთხვევაში ემატება შესაბამისი ქულები:

ა) წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ ჯამში ემატება არაუმეტეს 10 ქულა);

ბ) წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (აქტივობა ფასდება 2 ქულით);

გ) განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები, შეზღუდული შესაძლებლობის მქონე პირი ან სპეციალური საჭიროების მქონე პირი, მაღალმთიანი სტატუსის დასახლებაში მცხოვრები, ობოლი (უდედმამო), მრავალშვილიანი ოჯახის წევრი (4 და მეტი შვილი), სტუდენტი ოკუპირებული ტერიტორიებიდან (თითოეული ჯგუფის კუთვნილებისას ემატება 1 ქულა).

5. იმ შემთხვევაში, თუ ფაკულტეტი სრულად ვერ აითვისებს ამ ფაკულტეტისათვის გამოყოფილ კვოტას (სტიპენდიის მიმღები სტუდენტების რაოდენობას), აუთვისებელი რაოდენობის ფარგლებში სტიპენდიის მიმღებ კანდიდატად შეირჩევა სტუდენტი, რომლის წინა სემესტრის შეფასებების საშუალო არითმეტიკული ქულა ნაკლებია 91 ქულაზე (მაგრამ არანაკლებ 71 ქულისა) და ამასთან, აკმაყოფილებს ქვემოთ ჩამოთვლილი რომელიმე კრიტერიუმს, რა შემთხვევაშიც, წინა სემესტრის შეფასებების მიხედვით მიღებულ საშუალო არითმეტიკულ ქულას დაემატება შემდეგი ქულები:

ა) წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ ჯამში ემატება არაუმეტეს 10 ქულა);

ბ) წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (აქტივობა ფასდება 2 ქულით);

გ) განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები, შეზღუდული შესაძლებლობის მქონე

პირი ან სპეციალური საჭიროების მქონე პირი, მაღალმთიანი სტატუსის დასახლებაში მცხოვრები, ობოლი (უდემდამო), მრავალშვილიანი ოჯახის წევრი (4 და მეტი შვილი), სტუდენტი ოკუპირებული ტერიტორიებიდან (თითოეული ჯგუფის კუთვნილებისას ემატება 1 ქულა).

6. წინამდებარე წესის მე-4 და მე-5 პუნქტებით განსაზღვრულ სტიპენდიატთა შერჩევისას, თუ შესაბამისი ფაკულტეტის კვოტიდან ბოლო ადგილზე თანაბარი ქულა აქვს რამდენიმე სტუდენტს, უპირატესობა მიენიჭება შემდეგ კრიტერიუმს (თანმიმდევრობას):

- ა) წინა სემესტრის შეფასების მაღალ საშუალო არითმეტიკულ ქულას;
- ბ) სოციალურად მოწყვლადი ჯგუფის წარმომადგენელს;
- გ) სამეცნიერო და სტუდენტურ კონფერენციებში მონაწილეობას;
- დ) სასწავლო სტუდენტურ აქტივობებში მონაწილეობას.

7. სახელმწიფო სტიპენდია არ დაენიშნება:

- ა) ბსუ-ს სტუდენტის სტატუსშეჩერებულ/სტატუსშეწყვეტილ პირს;
- ბ) აკადემიური დავალიანების მქონე სტუდენტს (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები);
- გ) სტუდენტს, რომელსაც შესრულებული აქვს შესაბამისი საგანმანათლებლო პროგრამის მოთხოვნები და მიენიჭა შესაბამისი აკადემიური ხარისხი;
- დ) სტუდენტს, რომელსაც წინა სემესტრში სრულად არ აქვს ათვისებული საგანმანათლებლო პროგრამით ამ სემესტრისთვის განსაზღვრული კრედიტები.

8. სახელმწიფო სტიპენდიის მიმღები ბსუ-ს სტუდენტის სტატუსის შეჩერების/შეწყვეტისას შეწყდება სტიპენდიის გაცემა და ბსუ-ს რექტორი უფლებამოსილია მიიღოს გადაწყვეტილება გაუცემელი თანხის (სახელმწიფო სტიპენდიის) ბსუ-ს სხვა სტუდენტისათვის ამ წესის შესაბამისად დანიშვნისა და გაცემის შესახებ.

9. წინამდებარე წესის აღსრულების მიზნით გატარდეს შემდეგი ღონისძიებები:

9.1. ბსუ-ს პირველი საფეხურის პროგრამებზე ერთიანი ეროვნული გამოცდების შედეგად ჩარიცხულმა და მიმდინარე სემესტრში აქტიური სტატუსის მქონე სტუდენტებმა, რომელთა წინა სემესტრის შეფასებების საშუალო არითმეტიკული ქულა არის 71-დან 100-ის ჩათვლით, ბსუ-ს სტუდენტური პორტალის საშუალებით (ველიდან „წერილი რექტორს“) შესაბამისი ფაკულტეტის მიერ განხილვისათვის 2025 წლის 20 ნოემბრიდან 30 ნოემბრის 18:00 საათის ჩათვლით უნდა წარმოადგინონ (არსებობის შემთხვევაში) შემდეგი კრიტერიუმების დაკმაყოფილების დამადასტურებელი დოკუმენტაცია:

- ა) წინა სემესტრში სამეცნიერო და სტუდენტურ კონფერენციებში მონაწილეობის დამადასტურებელი დოკუმენტაცია (სერტიფიკატი ან ცნობა ან სხვა, ოფიციალური დოკუმენტი);

ბ) წინა სემესტრში სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები; იმიტირებული სასამართლო პროცესი) მონაწილეობის დამადასტურებელი დოკუმენტაცია (სერტიფიკატი ან ცნობა ან სხვა, ოფიციალური დოკუმენტი);

გ) სოციალურად მოწყვლად ჯგუფისადმი მიკუთვნების (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები; ობოლი (უდედმამო); მრავალშვილიანი ოჯახის წევრი (4 და მეტი შვილი); სტუდენტი ოკუპირებული ტერიტორიებიდან) დამადასტურებელი დოკუმენტი;

9.2. ფაკულტეტების დეკანებმა უნდა უზრუნველყონ სახელმწიფო სტიპენდიის მიმღები კანდიდატების გამოვლენა (საჭიროების შემთხვევაში გამოიცეს დეკანის ბრძანება, წინამდებარე წესის მოთხოვნათა დაცვით სტიპენდიატების შესარჩევად) და არაუგვიანეს 2025 წლის 02 დეკემბრისა - სახელმწიფო სტიპენდიის მიმღები კანდიდატების შესახებ სამსახურებრივი ბარათის წარმოდგენა, შემდეგი ინფორმაციის მითითებით: სტუდენტის სახელი, გვარი, პირადი ნომერი; სქესი; ფაკულტეტი, საგანმანათლებლო პროგრამა; სწავლების წელი/სემესტრი; წინა სემესტრის საშუალო არითმეტიკული ქულა (71-100 ქულის ფარგლებში); სამეცნიერო და სტუდენტურ კონფერენციებში მიღებული ქულა; სასწავლო სტუდენტურ აქტივობებში მიღებული ქულა (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები); სოციალურად მოწყვლადი ჯგუფის კუთვნილების ქულა (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები, ობოლი (უდედმამო), მრავალშვილიანი ოჯახის წევრი (4 და მეტი შვილი), სტუდენტები ოკუპირებული ტერიტორიებიდან; ამ წესით გათვალისწინებული კრიტერიუმების შესახებ ინფორმაცია - ქულათა ჯამი. აღნიშნული ინფორმაცია წარმოდგენილი იქნეს სასწავლო პროცესის დეპარტამენტთან კოორდინირებული მუშაობით.

10. ბსუ-ს სტუდენტებისათვის სახელმწიფო სტიპენდიების დანიშვნისა და გაცემის შესახებ ბსუ-ს რექტორის ბრძანება გამოიცეს 2025 წლის 05 დეკემბრიდან.